

**ZENIČKO-DOBOJSKI KANTON
SKUPŠTINA**

Komisija za izbor i imenovanja

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13) i člana 2. Odluke o kriterijima za imenovanje u Nadzorni odbor Agencije za privatizaciju Zeničko-dobojskog kantona («Službene novine Zeničko-dobojskog kantona», broj: 15/03 i 4/18), Komisija za izbor i imenovanja Skupštine Zeničko-dobojskog kantona na 7. sjednici, održanoj 05.06.2023. godine, o b j a v l j u j e:

**JAVNI O G L A S
za izbor predsjednika i dva člana Nadzornog odbora Agencije za privatizaciju
Zeničko-dobojskog kantona**

Zakonom o Agenciji za privatizaciju Zeničko-dobojskog kantona («Službene novine Zeničko-dobojskog kantona», broj: 4/97, 15/97, 6/01, 8/10 i 15/17) ustanovljen je Nadzorni odbor, utvrđena je nadležnost, broj članova, mandat i način rada Nadzornog odbora.

Zadatak Nadzornog odbora je da vrši nadzor zakonitosti rada i finansijskog poslovanja Agencije za privatizaciju, u skladu sa zakonom i Statutom Agencije.

Nadzorni odbor ima predsjednika i dva člana koje imenuje Skupština Kantona.

Mandat članova Nadzornog odbora traje 4 godine, a nakon toga mogu biti ponovo imenovani.

Način rada Nadzornog odbora propisan je Poslovníkom o radu.

Prava članova Nadzornog odbora za rad u Nadzornom odboru, utvrđena su odgovarajućom Odlukom o utvrđivanju naknade za rad i angažman u Nadzornom odboru Agencije, donesenoj od strane Upravnog odbora Agencije, uz saglasnost Vlade Zeničko-dobojskog kantona.

Kandidati moraju ispunjavati sljedeće:

1. Opće uvjete:

- Da su stariji od 18 godina,
- Da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije,
- Da se na njih ne odnosi član IX.1. Ustava Bosne i Hercegovine

2. Posebne uvjete:

- Da imaju visoku stručnu spremu (pravnog ili ekonomskog smjera),
- Da imaju najmanje 5 godina radnog iskustva u struci,
- Da nisu na funkciji u političkoj stranci,
- Da nisu poslovodni organ u preduzeću/ privrednom društvu u kome ima državnog vlasništva,
- Da nisu članovu upravnog ili nadzornog odbora preduzeća/privrednog društva,
- Da nisu vlasnici preduzeća/privrednog društva,
- Da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji Bosne i Hercegovine («Službene novine Federacije BiH», broj: 70/08),
- Da nisu osuđivani za krivična djela i privredne presteupe i da se protiv njih ne vodi krivični postupak

Po pozivu Komisije kandidati su dužni dostaviti podatke o ranijim rukovodiocima od kojih Komisija može tražiti informacije i preporuke o kandidatima.

Sa kandidatima koji budu stavljeni na listu sa užim izborom Komisija će obaviti intervju.

Prijave kandidata treba da sadrže kraću biografiju, adresu i kontakt telefon.

U svrhu dokazivanja ispunjavanja općih i posebnih uvjeta kandidati su dužni uz prijavu podnijeti sljedeću dokumentaciju, kao dokaze: (originale ili ovjerene kopije):

- Izvod iz matične knjige rođenih,
- Diplomu o stečenoj visokoj stručnoj spremi, (pravnog ili ekonomskog smjera),
- Potvrdu o radnom iskustvu, od sadašnjeg ili ranijeg poslodavca, sa podacima o poslovima koje su obavljali,
- Ovjerenu izjavu za uvjete iz alineje 2. i 3. općih uvjeta, (ne stariju od šest mjeseci) i alineje 3., 4., 5., 6. i 7. posebnih uvjeta, (ne stariju od šest mjeseci)
- Uvjerjenje nadležnog organa da nisu osuđivani za krivična djela i privredne prestupe
- Uvjerjenje nadležnog organa da se protiv njih ne vodi krivični postupak

U slučaju da u dostavljenim dokazima, izdatim od nadležnih organa, postoje određene nejasnoće koje dovode Komisiju za izbor i imenovanja u dilemu oko ispunjavanja nekih od propisanih općih ili posebnih uvjeta ovog oglasa, Komisija zadržava pravo da službenim putem traži o tome odgovarajuće pojašnjenje, ili mišljenje od nadležnih organa, kao i dostavu odgovarajućih akata kao dokaza datog pojašnjenja odnosno mišljenja, (kako od nadležnih organa, tako i od prijavljenih kandidata).

Javni oglas će biti objavljen u «Službenim novinama Federacije BiH», dnevnom listu «Dnevni avaz», dnevnom listu «Oslobođenje» i na web stranici Zeničko-dobojskog kantona, www.zdk.ba

Oglas ostaje otvoren 15 (petnaest) dana od dana posljednje objave.

*Prijave sa potrebnom dokumentacijom se dostavljaju lično na zajedničku pisarnicu (protokol) Zeničko-dobojskog kantona ili putem pošte preporučeno na adresu: Zeničko-dobojski kanton – Skupština – Komisija za izbor i imenovanja, ul. Kučukovići br. 2, Zenica, sa naznakom **«Prijava na javni oglas za izbor predsjednika i dva člana Nadzornog odbora Agencije za privatizaciju Zeničko-dobojskog kantona – ne otvaraj».***

Neblagovremene i nepotpune prijave neće biti uzete u razmatranje.